

四庫全書

子部

欽定四庫全書

子部

普濟方卷三百六十三

詳校官太醫院醫士<sub>臣</sub>趙鼎

編修<sub>臣</sub>倉聖脈覆勘

總校官進士<sub>臣</sub>繆琪

校對官中書<sub>臣</sub>朱炳

謄錄監生<sub>臣</sub>汪緣

欽定四庫全書

普濟方卷三百六十二

明

周王朱橚撰

嬰孩五臟門

總論

錢氏論云五臟所生心主驚實則叫哭發熱飲水而搐  
虛則困卧悸動不安肝主風實則目直大叫呵欠項  
急煩悶虛則咬牙多欠氣熱則外生氣溫則内生脾  
主困實則困睡身熱飲食虛則吐瀉生風肺主喘實

則悶亂喘促有飲水者有不飲水者虛則哽氣長出氣  
腎主虛無實也豆瘡入腎則黑陷 更當別虛實證

假如肺病又見肝證咬牙多呵欠者易治肝虛不能勝  
肺故也若目直大叫哭項急頓悶者難治蓋肺久病則  
虛冷肝強直而反勝肺也視病之新久虛則補母實則  
瀉子也 肝臟病見秋木旺肝強勝肺也宜補肺瀉肝  
輕者肝病退重者唇青而死 肺病見春金旺肺勝肝  
當補肝輕者肺病退重者目淡青必發驚更有赤者當搐

為肝怯當目淡青色也 心病見冬火旺心強勝腎當  
補腎治心輕者心病退重則不甯不語腎怯虛也 腎  
病見夏水勝火腎勝心也當治腎輕者腎病退重者悸動  
當搖也 脾病見四季皆倣此治之順者易治逆者難  
治脾怯當面目赤黃五臟相反隨証治 胃怯汗上至  
項下至臍皆胃虛當補胃益黃散主之胃啼小兒筋骨  
血脈未成多哭者至小所有也 胃氣虛面眊白無精  
光口中冷氣不思飲食吐水當補脾益黃散主之 胃

冷虛面眊白色瘦弱不思乳食當補脾用益黃散下痢者宜調中丸湯氏詩小兒心臟中風時偃卧唇紅汗濕衣但灸心俞三五壯唇青黃白黑休醫目瞪此為心已絕性命多應六日期此疾難別難治李倅之子任義烏丞患心臟中風諸醫皆言死而退已三日不醒余遂灸之今已長大凡見此候先宜看艾心俞正大中骨下兩傍各一寸半次服家傳牛黃丸肝風踞坐舉頭難早灸心俞病即安細視眼連唇上色青黃方可放心寬黑色

只應旬日死命歸泉路不能還脾臟若或中風邪腹滿  
通身色似瓜吐沫醫人猶可治唇青手足冷空嗟若灸  
肺俞三五壯縱能危困命難賒腰痛面黑腎之風兩脇  
趺蹠病可攻急灸腎俞由得瘥面黃發瘰莫從容啼不  
作聲有兩般肺絕無聲不用看或若外邪侵主臟溫和  
調氣自然安忽然喘急心煩滿縱有靈方命亦拚急灸肺  
俞三五壯始知妙訣在人間楊氏肺中風多因嗽而始  
但服嗽藥不能散其風邪入於肺臟之絡其候喘急面

色青黃目能認人口不能言醫人不明其證待斃而已余曾有親戚之子得此疾危亟余往視之尚留殘喘急以橘皮桑白皮罌粟殼三件煎湯化百部丸二服急灸肺俞至第三壯其喘已定忽能言丹灸作五狀繼而索粥自此生矣

心臟附論

心熱者視其睡口中氣溫或合面睡及上竅咬牙皆心熱也導赤散主之心氣熱則心胸亦熱欲言不能而有



就冷之意故合面睡 心氣實則氣上不行澁合卧則氣不得通故喜仰卧則氣得上下通也瀉心湯主之

心有餘眠卧不安面伏地睡則導赤散洗心散主之虛弱則驚悸不安寧心膏主之小腸有熱或赤澁尿血木通散滑石散紅龍散主之心不驚悸恍惚憂愁不樂面無顏色用寧心膏安心膏有客熱則睡中語導赤散洗心散主之

方

參砂膏 通心氣除隔熱去痰壅

硃砂 人參 南星 炮遠志 去心木用皮 薑汁浸焙 白附子

僵蠶 炒各等分 礞砂 焙 茯神 等分 麝香 少許

右為末煉蜜丸如櫻桃大金箔為衣每服一丸麥門冬去心煎湯調下

八物定志丸 補心氣安精神

遠志 去心 麥門冬 去心 菖蒲 茯神 去皮木 茯苓 去皮白者各半

兩牛黃 錢一 白朮 分一 人參 錢六

右為末煉蜜為丸每一兩作三十九以硃砂為衣每服一九人參湯化下食後

瀉心湯 瀉子

右用黃連一兩去鬚研極細末每服一字至半錢一錢臨臥溫水調下海藏云易老單瀉心湯加減法出於此方實邪也實則泄其子

肝臟附論

肝主感風者呵欠煩悶口熱氣當發散大青膏主之若

能食飲水不止當用大黃丸微下餘不可下 肝熱手

尋衣領及亂捻物瀉青丸主之壯熱飲食喘悶瀉白散

主之 肝有風目連扎不搐得心熱則治肝瀉青丸治

心導赤散主之 肝有熱目得直視不搐得心熱則治

肝瀉青丸治之導赤散主之 肝有方甚則身反張強直

不搐是肝受風也當補腎治肝補腎地黃丸治肝瀉青

丸主之 若病或新或久皆引肝風風動而止於頭目

目屬肝風入於目上下左右如風吹不輕不重兒不任

風目連劄也若熱入目牽其筋脈兩眦俱緊不能轉視  
故目直也若得心熱則搐以其子母俱有實熱風火相  
搏故也治肝瀉青丸治心導赤散主之肝有餘目赤多  
怒筋脈拘急肝風亦然或身熱者驅風膏并涼肝藥肝  
不足視不明兩脇拘脹面色青白多恐悲泣地黃丸主  
之

方

瀉青丸 治小兒肝臟實熱手尋衣領亂捻物目直視

不搐得心熱則搐身反折強直目連劄或目肉青或

臟腑泄諸藥不止脾胃久虛並宜服之

又名瀉肝丸

當歸

去蘆頭切焙秤

龍膽草

焙秤

川芎

山梔子仁

川大

黃

濕紙裹煨

羌活

防風

去蘆頭切焙各等分

右為末煉蜜丸雞頭大每服半丸至一丸煎竹葉湯

同沙糖溫水化下

地黃丸

治小兒本氣虛怯由胎氣不成則神不足目

中白睛多其顱即解開面色皛白又腎氣不足則下

竈蓋骨重惟是墜於下而縮身也腎水陰也腎虛則畏明無精光者並宜補之

熟乾地黄

八錢  
焙秤

山茱萸

乾山藥

各四錢

澤瀉

牡

丹皮

白茯苓

去皮各  
三錢

右為細末煉蜜和丸每兩作五十九三歲已下每服一二九至三九溫水空心化下

麝香青金丸

治小兒肝臟有風呵欠頓悶神昏不爽

口中熱氣急驚搐搦胸滿氣短並皆治之

天麻

兩半

白附子

三錢

蝎稍

微炒

青黛

二錢

白蛇

酒浸取肉

焙乾八錢

麝香

研別

硃砂

研別

天竺黃

各一錢

右件為細末入研者麝香硃砂研勻煉蜜為丸每一

兩作四十九丸每服一丸煎人參薄荷湯化下乳食空

脾臟附論

脾有餘脾胃有熱不思乳食或吐黃水瀉深黃色實熱也或瀉黃沫如蟬吐沫虛熱也皆食不化寶鑑云胃受熱五穀不能實先以黃白散行其臟腑後以五苓散脾



虛熱先五苓散次黃白散再服五苓散或少以益黃散  
脾不足脾胃經冷不思乳食噦吐清水瀉綠白色食物  
不化時腹痛或渴或不渴巢氏云小兒噦由哺冷冷氣  
入胃與氣相連則胃氣不通致令噦也錢氏云瀉青白  
米穀不化脾胃冷王氏云宿食不消脾胃冷也益黃散  
兩服柴胡丸逐積再益黃散千金云脾虛腹脹鳴澹瀉  
食物不消化 脾胃有積不思乳食則或吐酸瀉白食  
物不化傷食亦同或腹痛或不痛家寶方云喫物不消

是脾有積紫丸逐下食積益黃散補或食不知饑飽并能大便不化是疳熱積益黃散汁吞紫丸瀉下後益黃散補并六甲丸脾胃有風不思乳食嘔吐涎沫食物不化大便雜色瀉久不定定而復作時多困倦錢氏云身溫風在脾故大便不聚先下益黃散補脾次宣風散逐去脾間風再益黃散并神寶丹及溫驚藥又云吐瀉乳不化傷食下之素問云脾胃受濕則水穀不分川椒丸五苓散古人曰五臟之病何脾病之多也蓋脾土也萬

物之發生皆由於土百病起因皆是脾之受納穀飲占於諸臟乃病之多也 脾怯當面目赤黃五臟相反隨證治之氣不和口頻撮當調氣益黃散主之食不消脾胃冷故不能消化當補脾益黃散主之弄舌脾臟微熱令舌絡微緊時時舒舌治之勿用冷藥及下之當少與瀉黃散漸服之亦或飲水醫疑為熱必冷藥下之非也飲水者脾胃少津液也又加面黃肌瘦五心煩熱即為疳瘦宜胡黃連輩大病未已用藥而弄舌者出涎液不

收小兒因氣不升降膈腕痞滯致令乳飲不化流入胃中隨氣上溢故令多涎其候胸滿短氣飲食遲化內經謂脾為涎當調脾胃升降其氣則病可愈

方

鉛霜散 治小兒脾風多涎心胸壅悶不下乳食昏昏多睡

鉛霜研 牛黃研 半夏生薑汁製焙乾 龍腦研各半分 白附子 炮

馬牙硝 防風去叉 丹砂研 天竺黃研 犀角屑 細

辛去苗黃芩心去黑甘草炙判各一分

右為末再同研勻每服一字用生薑蜜溫水調下更量兒大小以意加減不計時候

防風湯 治小兒脾肺風熱膈上多涎心神昏悶少欲乳食

防風去羚羊角屑 黃芩心去黑人參 枳殼麩炒去穰

甘草炙判各一分半夏半分生薑汁製焙乾

右搗篩每一錢七水八分生薑少許煎至五分去滓

不計時候量兒大小加減溫服

降氣丸 治小兒脾氣上溢氣不升降涎液不收清膈

牛蒡子

梔子仁

甘草

炙微赤剉

川硝

鬱金

以上各半

兩

枳殼

一分麩炒

龍腦

半兩

右為末麵糊和丸如麻子大薄荷水化二丸至三丸

不計時候量兒大小加減服之

溫脾散

治小兒脾胃傷冷涎常流出在兩口角

半夏

半兩用白

人參

荳蔻

白朮

乾薑

各半兩

丁香 一兩 甘草 半錢

右為末每服二錢生薑二片煎服食前

張煥溫脾丹 治小兒滯頤多涎流出漬於頤上此由脾冷者涎多故也脾之液為涎脾氣冷不能收制其津液故流出漬於頤上當溫脾俗謂之捏破涎渦兒者葛丞相云此方甚奇

半夏 用生薑六兩 同搗細炒

丁香 一兩

木香 一兩

乾薑 半兩

炮

青皮

半兩 去白 陳皮亦可 白朮 半兩

右為末糊丸如黍米大一歲十九二歲二十九大小  
加減米湯下直指方有陳皮半兩一方煉蜜和丸

金硃丹 治脾熱多涎

金箔

二十片

硃砂

一兩研  
水飛

半夏

湯洗  
七次

牛膽南星

一兩白

茯苓

半兩

石膏

半兩研  
水飛

右都拌勻再細研用生薑汁和丸如黍米大每服十  
粒人參湯下乳後

瀉黃散

又名瀉  
脾散

治瀉脾熱目黃口不能吮乳



藿香葉

七錢

山梔子

一兩

石膏

半兩

甘草

三兩

防風

切焙

四兩

右剉同蜜酒微炒為細末每服一錢至二錢水一盞  
同煎至五分溫服清汁無時南方多以寒水石為石  
膏以石膏為寒水石正與京師相反了大悞也蓋石  
膏潔白堅硬有墻壁而寒水石則軟爛以手可研外  
微有黑細紋方書中寒水石則火煨用之石膏則堅  
硬不可入火如白虎湯石膏則能解肌熱破痰治頭  
痛若用寒水石則悞矣又有一等堅白金類石膏而

方鼓之亦皆成者名方解石也可代石膏用之南人  
有不信此說者孝忠嘗相與同就京師大藥肆中買  
石膏寒水石方解石三種又同詣惠民和濟局及訪  
諸國醫詢證之皆合此說乃信服孝忠頃編保生信  
效方已為此論恐小兒尤不可悞故復見於此

益黃散 治小兒吐瀉脾虛不食五穀不化困倦少力

腸滑夜起并疳盜汗并治涎唾流領下常濕名滯頤

陳皮

一兩  
去白

丁香

二錢

訶子

炮去  
核

青皮

去  
白

甘草

炮炒各  
半兩

右為末三錢水半盞煎至三分去滓食前服大小加減服之海藏云此劑瀉肺熱

牛蒡丹 治脾熱多涎

牛蒡子

一兩鬱金

川朴硝

枳殼

去穢  
麩炒

皂子

半兩

黃炒

右為細末用生薑汁打白麵糊丸如黍米大每服十粒煎人參湯下大小加減

半夏丸

治小兒脾熱乳食不下胸膈多涎

一名皂  
莢丸

半夏

半生薑湯洗七過去滑

皂莢子仁

半兩

右為末用生薑汁和丸如麻子大不計時候以溫水下三丸隨兒大小以意加減

半夏丸

半夏

一兩微炒

白礬

生研半兩

右為細末麵糊和丸如粟米大每服五七丸量輕重加減食後臨卧生薑湯下

桑白汁 治小兒脾熱乳食不下胸膈痞悶涎溢不收

右用新桑根白皮不以多少細剉取自然汁塗於兒口內立效如無新桑根白皮取桑根白皮一兩細剉水一盞煎至半盞放溫塗兒口內極妙

又方

右以白羊糞少許入水研取汁塗兒口內效

又方

右取鹿角末炒令焦更研令細以清粥飲調下一字

又方

右取牛樵草絞取汁少少與服之

鬱金散 治滯頤不問脾虛驚熱並可進之

鬱金 南星 白附子 大半夏

各半兩

右用生薑二十片皂角三條水兩盞煎藥同煮以乾為度去皂角及薑以四味焙乾同雄猪膽一枚以盞乘定刺汁以藥入膽汁內浸炙乾又浸以膽汁盡為度再用 鐵子粉兩半甘草三錢研勻同為末每服一錢薄荷蜜湯調下

肺臟附論

肺有餘咳嗽氣急痰實成塊瀉肺散  
編銀丸珍珠丸下涎肺不足哽氣喘息嗽吐清涎目胞浮腫補肺散人參丸  
肺盛復有冷氣者胸滿短氣氣急喘嗽上氣當先散肺後發散風冷散肺瀉白散大青膏主之  
肺只傷寒則不胸滿肺熱手搥眉目鼻面甘桔湯主之  
肺虛熱唇深紅色治之散肺虛熱少服瀉白散  
肺臟怯唇白色當補肺阿膠散主之  
若悶亂氣麤喘促哽氣者難治

肺虛損故也 脾虛病久則虛而唇白脾者肺之母也  
母子皆虛不能相營故名曰怯肺主唇白白而澤者吉  
白如乾骨者死 錢氏曰東都張氏係九歲病肺熱他  
醫以珠犀熊射生牛黃治之一月不愈其証嗽喘悶亂  
飲水不止全不食錢氏用史君子丸益黃散張曰本有  
熱何以又行溫藥他醫用涼藥攻之一月尚無效錢曰  
涼藥久則胃寒不能食小兒虛不能食當補脾後飲食  
如故乃瀉肺經病必愈矣服補脾藥二日其子欲飲食



錢以瀉白散肺遂愈七分張曰何以不虛錢曰先實其脾然後瀉肺故不虛也

方

阿膠散 補肺

阿膠一兩半 麩炒

馬兜鈴半兩 焙

甘草二錢 炙

黍粘子二錢 半燼

杏仁七箇去皮尖 糯米一兩

右為末每服一二錢水一盞煎至六分食後溫服海藏云杏仁本瀉肺非若人參天門冬麥門冬之補也

當以意消息

百部丸 治小兒肺寒壅嗽微喘

百部炒乾 天麻去節先作末各三分 杏仁四十箇去皮尖炒

右為末和勻蜜丸皂子大溫水化下二三丸無時日

三四丸此本方也仲陽加松子仁五十箇糖丸之含

化大妙

瀉白散 瀉肺脾熱目黃口不吮乳喘嗽

桑白皮一兩判 地骨皮一兩 甘草半兩

右為細末每服一二錢水一盞入糯米百粒同煎食  
後服易老加黃連海藏云治肺熱傳骨蒸自汗用此  
以直瀉之梔子黃芩亦能瀉肺當以氣血分之

腎臟附論

腎有餘腹滿腸洩體重喘嗽小便黃色牽牛散瘡頭變  
黑氣急亦腎有餘百祥丸腎不足體重厥逆腹大喘嗽  
面無精光好暗畏明耳鳴聾重腦縫開地黃丸主之  
腎虛者兒本虛怯胎氣不成則神不足目中白睛多其

顱即解顱面色眊白皆為難養縱長亦不壽若後更恣色慾多不及三十而亡或有因病後而致腎虛者非也又腎氣不足則下竄蓋骨重惟欲下垂而縮身也腎少陰也腎虛則畏明皆宜補腎地黄丸主之膀胱內通腎臟一處承受三經所傳其外腎冷熱皆由心氣主之心經有熱熱入小腸或赤或白或淋或澀心經有寒流膀胱或祕或疝或腫或大凡小兒初生兩箇腎子俱大光浮名曰卵腫一邊差大名曰偏墜蓋由驚氣所行傳

受于中或母懷孕驚憂之氣不散胞胎之間兒以受之  
所以生下便有卵腫外宜黑神散傳之內用清心藥順  
之黑神散者用黃連黃芩黃柏大黃等分為末猪膽汁  
蜜調傳之立效清心以犀角地黃膏與服若有熱大連  
翹飲宿夜安定

方

羚羊角丸 治小兒腎虛或病後筋骨弱五六歲不能  
行宜補益肝腎

虎脰骨

敲破塗醋炙黃

生乾地黄

焙

酸棗仁

去皮炙

羚羊角

尖細而節密煮醋為末

白茯苓

各半兩

桂

去皮即有味處不見火

防風

去蘆

頭

當歸

去蘆頭

黃芩

切焙各一分

右為細末煉蜜和成劑每服一九皂子大兒大者加之食前化下日三四服久服取效

地黃丸

治小兒肝腎虛兩脇拘服多恐悲哭又治大

病後不能作聲是腎怯不能上接於陽又治稟受腎

氣虛頭骨開

澤瀉 牡丹皮 白茯苓 各三錢 熟乾生地 八錢 山

茱萸 四錢 山藥 半兩 牛膝 四分

右為細末煉蜜和丸如小豆大三歲每服七丸空心溫水下一方無牛膝

白芨散 治小兒腎氣不成腦髓不定小兒年大骨應合而頭縫開者是也宜以藥塗之

白芨 栢仁 防風 去苗細辛各一兩

右為細末每服一錢以乳汁調塗在兒顱骨上每日

一次用之

甘豆湯

治小兒腎虛有熱大小便不通

黑豆

一合

甘草

二錢

薑

七片

右剉新水煎服

瀉腎丸

治脈洪而實

右用前地黄丸熟地黄換生地黄去山茱萸是也此  
治左手本部脈若右尺洪實以風隨丹瀉之此地黄  
丸仲景八味丸去桂附若加五味子腎氣丸也此益



肺之源以生腎水焉

治腎縮 治小兒初生兩腎縮了初生受寒氣也

硫黃 茱萸 大蒜

右同研塗腹仍以茵草蛇床子二味煎湯淋洗燠之  
蓋初生受其寒氣而然

治虛寒証惟腎主虛亦惟腎受寒小兒骨氣未就雖  
不容補但以地黃丸與之厥冷者以生乾薑炙甘草煎  
湯調下洞泄者却專用木香白朮生乾薑各一分辣桂

炙甘草半分剉細量兒大小作劑入陳米煎服

治小兒外腎腫硬成疰

用乾蚯蚓為細末用唾塗避風冷濕地

治小兒外腎腫硬或疰疾或風熱暴腫

右用地龍糞生薄荷汁調塗尤妙

普濟方卷三百六十二

欽定四庫全書

普濟方卷三百六十三 明 周王朱橚 撰

嬰孩頭眼耳鼻門

頭瘡 附論

夫小兒頭瘡者由臟腑有熱熱氣上衝頭面復有濕氣  
乘之濕熱相搏折於血氣而變生瘡也 白禿瘡者由  
頭上白點斑剝初似癬而有白皮屑久則生痂或瘡遂  
至遍頭自小及長不瘥頭髮禿謂之白禿瘡 小兒頭

生小瘡浸淫疽癢黃膏出不生痂連年不瘥者亦名妬  
頭瘡以赤龍皮湯及天麻湯洗之內服漏蘆湯不宜傳  
飛鳥膏散及黃連胡粉水銀膏散

方

雄黃膏

出聖惠方

救急療小兒頭瘡經年不瘥而復

發者

雄黃

研

大黃

黃蘗

黃芩

薑黃

雌黃

研

白

芷

當歸

青木香

各四兩

右咬咀以苦酒浸一宿以猪脂一大升煎俟白芷色  
黄膏成去滓入水銀一兩以唾於手中研令消入膏  
攪相得於瓷器中收每以皂莢湯洗瘡乾拭以膏塗  
之日再換以瘡為度一方無大黄以藍漿水洗淨塗  
之

松脂膏

出聖惠方

治小兒頭瘡經年不瘥

松脂

一兩半

川大黄

一兩

苦參

一兩

黃連

一兩

胡粉

黃芩

水銀

各一兩

白礬

半兩

蛇床子

三分

右羅爲末以臘月猪脂膏和研水銀星盡以瓷合盛  
每於瘡上塗之効

苦參湯

出千金方

治小兒頭瘡

苦參 黃芩 黃連 黃蘗 甘草 大黃 芎

藹

各二兩 蒺藜子 三合

右咬咀以水六升煮取三升漬布搗瘡上日數過

治小兒頭熱瘡

出千金方

石南草 大黃 黃芩 黃蘗 礬石 澤蘭

各

一戎鹽二蛇床子  
兩合三

右切以水七升煮取三升以絮內湯中洗拭兒日三

度瘡

藜蘆膏 治小兒一切頭瘡久則疽癢不結痂

藜蘆 黃連 雄黃 黃芩 各三兩 松脂 二兩 猪脂 半

礬石 五兩

右爲末煎令調和先以赤龍皮天麻湯洗乾傳之 赤龍

皮槲皮 是也 一方用桐樹白皮天麻甘草煎湯洗淨塗之

治頭瘡

細擣水龍骨 黃丹等分安 白礬須要碎 鷄

子用青丸 將去紅爐煨 煉出象灰團 牛皮

另燒用 硫黃生一般 香油調擦傳 直要見

根盤 神仙真妙藥 一月保安全

右用酸蘸汁去瘡蓋如有髮或剪剃淨方可傳之

青砂散 出聖惠方 治小兒頭瘡久不瘥

水銀 一分以少棗 硫黃 一分狗骨頭 燒灰 川椒 一分

穰研令星盡

半兩 去目



膩粉

一分宿砂一分  
去皮

竹葉

半兩  
燒灰

右羅爲散研入水銀令勻以生油調塗之立効

治小兒頭上生惡瘡方

出聖惠方

人糞灰

狗糞灰

皂莢灰

香豉

微炒令  
焦

白礬灰

已上各半兩

右羅爲散每使量瘡以生油調塗日一易以瘡為度

胡粉散

出聖惠方

治小兒頭上生惡瘡及疳瘡軟癰

胡粉

黃連

去鬚各  
一兩

糯米

二十  
一粒

赤小豆

十四  
粒

吳茱

黃分

水銀 一兩點少水入胡粉研

右羅爲末即以麻油和諸藥調勻塗之

水銀膏

出聖惠方

治小兒赤瘡渾頭面皮胸上作片

人不識者

水銀

松脂

各一兩

膩粉

分一兩

土蜂窠

黃蘗

剉

川大

黃

各一兩半

右除水銀膩粉外搗羅爲末以煉成猪脂半觔煎成膏似稀麪糊放冷取水銀膩粉於掌中以唾調和如

青泥後可入膏中相和攪令勻塗於瘡上不過三兩上瘡

紫草膏 治小兒頭瘡

紫草

二兩去無色枝幹搗末

馬腸根

一兩搗末

杏仁

一兩湯浸去皮研

吳

茱萸

一兩搗碎

雄黃

一兩細研

清麻油

八兩

右先以麻油於一淨鑊內煎下杏仁茱萸徐徐煎三

兩沸即去火以生絹濾去滓次入紫草馬腸根等末

又煎五七沸再濾去滓看膏稀稠得所入雄黃末攪

勻用瓷合盛每用先以鹽漿水洗瘡令淨拭乾以膏塗之立効

治小兒頭瘡不瘥惡汁出不斷并熱瘡方

黃連

去鬚

黃蘗

剉

白礬

燒灰各一兩

蛇床子

半兩胡粉三分

右羅為散以熬成猪脂調如膏日二塗之効一方無白礬以油調傳之

治小兒頭瘡及惡瘡方

黃連

一兩去鬚

吳茱萸

生用

膩粉

杏仁

半兩湯浸去皮

麻油 一合

右羅為末入麻油杏仁同研成膏每塗藥時先以鹽漿水洗了拭乾塗上日二用之

黃連散 治小兒頭瘡

川黃連

黃蘗

去粗皮

草決明

輕粉

各等分

右為細末以生小油調藥於所患瘡上塗之立愈

治小兒三歲患頭上煙漿如釘蓋一二日及胸背皆生  
仍成瘡方

水銀

硃砂

各半兩研  
兩相符

石硫黃

一兩研

臘月豬脂

細

研和膏

右煮桑葉湯洗以傅之勿令猪犬婦人小兒見無効

一方有胡粉無臘月豬脂

治小兒頭瘡及惡瘡方

香豉

二合

麻油

二合

梔黃

半兩

葱白

四兩

細切

右先煎油令熟入香豉等熬令烟出熟搗貼於瘡以

物密裹之効

水銀膏 治小兒偏頭生瘡

水銀

二兩

胡粉

二兩入少水與水銀同研令星盡

松脂

二兩細研

猪脂

三兩

右先煎猪脂令消去滓下松脂次下水銀胡粉不住手以柳枝子攪令勻膏成去火傾在瓦合內淨洗乾拭塗瘡上日二用之

鷄子膏 治小兒頭瘡及白禿瘡

新雞子

七枚

去殼

膩粉

半兩

麝香

一分細研

婦人油頭髮

一團如雞子大

右先將雞子入銚內熬次下髮令消以綿濾過入膩粉麝香攪勻以瓷合盛每用先洗淨拭塗之

治小兒頭瘡出膿水瘡而復發

豆豉

一兩炒微焦

皂莢

一挺長三寸許燒過灰

鰐甲

一兩燒灰

膩粉

一分

右羅爲散每使以生油調塗上立効

治小兒禿瘡

紫草

一兩爲末

輕粉

二錢

臘月鵝油

無鹽者不拘多少



黃蠟一兩

右先熬紫草次諸藥煉成膏無時搽頭上瘡

治白禿瘡方

班貓蟲

七箇

巴豆

七箇去殼

蛇床子

松香

各等分為末

右用清油半盞煎蟲豆二味焦黑色並去不用只用  
油候冷火氣息將二味末藥加輕粉於油內如用時  
先以禾桿燒灰淋汁及煨皂角洗淨候水氣乾塗前  
藥

治小兒頭瘡方

胡粉 連翹 各一兩 水銀 半兩

右以水煎連翹內胡粉水銀和調傳之

螵蛸散 治頭上瘡俗名粘瘡絕妙方

海螵蛸 二錢 白膠香 二錢 輕粉 半錢

右將海螵蛸白膠香同研細羅過却入輕粉再於乳鉢內熬研極細敷貼瘡時先用清油將瘡潤了然後將藥末乾糝瘡上只一上可甚者二上

黃連散

治小兒頭瘡出膿水瘥而復發

黃連

五兩去鬚

水銀

二兩

烏賊魚骨

一兩燒令赤色

右除水銀搗羅為散別用白歛末一兩半入少水與水銀同研星盡與前藥末相和研勻每先以桃葉湯洗瘡令淨拭乾以藥傅於瘡上

又方

水銀

半兩

黃連末

一兩

胡粉

半兩

右相和入少水研水銀星盡以生油調塗之

如聖黑膏 治頭瘡久不瘥及白禿

豆豉

半觔

龍膽草

蕪荑 各一分

右一處用濕紙裹鹽泥固濟火煨存性碾爲末以生  
清油半觔熬取四兩下藥急攪勻得所薺合收傳神  
効 凡人耳輪瘡極痒臨睡時傳一遍治白禿剃頭  
後一傳愈

治癩頭瘡方

白礬

五十分刀頭飛過

杏仁

五十分去皮尖細研

大楓油

五十分

右一處鎔成膏子後入輕粉三十分調傳之

治小兒頭瘡方

胡粉一兩 黃連二兩

右爲末洗瘡去痂拭乾傳之即瘡更發如前傳之

治小兒頭瘡面上赤有日月益甚者方

黃連 赤小豆 各等分

右搗末以臘月豬脂和塗之即瘡止

治小兒頭瘡出膿水瘡而復發方

杏核

一百枚燒為灰

膩粉一分

右研為散每使用生油調塗之

治小兒頭瘡晝開出膿夜即復合者宜用此方

大附子

一枚去皮臍搗羅為末 鯽魚一尾長四寸者

右將附子末入鯽魚肚中於炭火上炙令焦細研傳瘡上更搗爛蒜於上封之甚良一方用鯉魚

又方

乳髮

一團如梨大

雞子黃

五枚

右相和於銚中炭火熬令髮消以綿濾過用甕合盛  
塗於瘡上

鯽魚方 治小兒白禿瘡

鯽魚

一尾重三四兩者去腸肚以亂髮填滿濕紙裏燒存性

雄黃 二錢

右爲末生清油調傅先以蘂水洗拭後用藥

平瘰散 治凍瘡白禿

黃栢 九節黃連 各等分

右爲末凍瘡以苳臺煎湯俟溫洗令淨軟絹拭乾烏

雞子清調傳白禿用甘草湯洗麻油調傳

治小兒頭上惡毒腫瘰諸瘡方

取男子尿燒灰和臘月猪脂先以酢泔洗淨拭

乾傳之

治小兒頭瘡方

以多年籬竹入土爛者燒存性入輕粉少許濕者

乾摻乾者油調塗之一名籬灰散

治頭瘡海上仙方治久不瘥瘡



以猪筒骨中髓膩粉和為劑復納骨中火煨香熟  
取出先以溫鹽水浴瘡乃傅之兼肥瘡疳瘡皆可  
用

又方

取樹上乾桃燒存性碾為末與輕粉麻油調傅一  
方無輕粉或暑毒頭塊瘡及面上軟癬亦可治

治小兒頭瘡

煮熟雞子黃炒令油出以麻油膩粉調傅或以葱

汁調膩粉塗之

治小兒頭瘡耳上生瘡方

用竹葉燒末和豬脂塗上又以雞子白傅之亦妙

治小兒頭瘡方

取豬膽汁傅之猪胆音夷主肺痿咳嗽棗肉酒浸服

之亦能主痘癖羸瘦

治頭瘡及諸熱瘡方

先用醋少許和水淨洗去痂再用溫水洗拭乾用

百草霜細研入膩粉少許生油調塗立愈

治小兒頭瘡方

用龜甲燒灰傳之

治小兒頭瘡方

用蓼葉搗末和白蜜雞子白和勻塗上蟲出不作  
癰

治小兒頭瘡及浸淫惡瘡大効亦療婦人陰瘡初食利  
大小腸久食即否去陳留新胡麻仁生嚼塗之

八稜者名

胡麻二稜者名巨勝一方用油麻嚼傅之

治小兒頭瘡方

用馬骨一味煨燒作灰和醋傅一治身上瘡白禿  
瘡以駿馬不乏者尿數數煖洗之十遍瘡又白馬  
脂五兩封瘡上稍稍封之白禿者髮即生

治小兒頭瘡不瘥方

用大虫脂消令凝每日三四度塗之亦治白禿

治小兒頭瘡又白禿髮不生汁出者方

用雞子七箇去白皮於銅器中熬和油傳之

治頭瘡

用大筍殼葉燒為灰量瘡大小用灰調生油傳入

少膩粉佳

治小兒頭面身上生諸瘡方

用蛇蛻燒末和豬脂傳之

治頭瘡不瘥汁出不止方

用枳實燒灰豬脂調塗瘡上

又方

用田螺殼燒灰存性清油調塗濕摻末在瘡上

治頭面上諸惡瘡方

用南星貝母等分用湯泡七次研爲末入土硃末  
少許乾油調塗濕用乾摻

治頭瘡白禿風癢皮膚痒方

用紫草煎汁浸并傳一方用白芨煎汁浸并傳

治頭瘡白禿方

用馬肉煮汁洗一方用馬尿洗

治小兒頭上生瘡及肥瘡瘡方

用糯米飯燒灰入輕粉清油調傳

治小兒頭瘡方

以松香爲末用青蔥葉盛貯皮黃就湯煮數沸取出待冷研細入輕粉和勻香油調傳

治小兒頭瘡晝開出膿夜即復合者

出聖惠方

用馬蹄燒灰細研以生油調塗之

又方

出聖惠方

用露蜂房細研以臘月猪脂調塗之

又方

出聖惠方

用黑豆一合炒令存性搗爲末以水調塗之

治小兒頭瘡積年不瘥方

出聖惠方

取檳榔水磨以紙襯曬乾以生油調塗之

又方

出聖惠方

用雞子殼燒灰細研以臘月猪脂和塗之効雞糞



炒爲末傳之亦佳

又方

出聖惠方

用烏梅肉燒灰研以生油調塗之

又方

出聖惠方

用吳茱萸炒令焦細研入膩粉以豬脂調塗之

又方

出聖惠方

用菖蒲末生油調塗之

治小兒禿頭瘡方

出千金方

取雄雞屎陳醬一升苦酒和以洗瘡了傳

又方 出聖惠方

用芫花臘月猪脂和如泥洗去痂傳之日一度一

治白禿

又方 出千金方

用不中水蕪菁葉燒作灰和猪脂傳之

秘傳頭禿瘡方 出活幼口議

用吳茱萸鹽醃為末釀米醋調刷頭上大人肩疽

瘡用之立効

治小兒禿瘡方

出百一選方

用鼠糞不以多少新瓦上煨存性入輕粉麻油調塗之

苦楝膏 治小兒禿瘡及惡瘡

用苦楝皮灰豬脂調傅

治小兒禿瘡方

用猪蹄甲七箇每甲中放白礬一塊棗兒一箇同

燒存性研爲極細末加輕粉得宜研細用清油調搽不過三五上即瘥

治頭瘡白禿殺蟲方

以茵草與白歛赤小豆爲末雞子白調如糊煨毒腫乾即更易

治小兒白禿瘡方

用羊糞煎湯洗去痂却用雄羊糞燒灰同屋懸煤炒爲末清油調塗之

治小兒頭上禿瘡方

用仙人掌草焙乾爲末有汁出乾摻無汁油調

療禿瘡方

取虎骨爲末油調塗之

治小兒禿方

用白頭翁根傳一宿作痂二十日愈

療白禿瘡及髮中生癬瘡頂白者

取熊白傳之

治頭赤禿瘡

用赤馬皮白馬蹄燒灰末以臘月豬脂和傅之

治小兒禿瘡

用胡蔓子油煎傅之

治禿瘡方

用桃枝未開花陰乾與桑椹赤者等分作末以豬脂和先用灰汁洗去瘡痂即塗藥治患禿瘡用山豆根以水研傅瘡上

治頭上禿瘡方

用膽礬少許火枯礪砂少許信少許硃砂少許一處研末取月頭剃去瘡痂以炭汁洗淨待血水乾清油半盞取鱖魚一條斬斷尾滴血油內調藥用治小兒頭瘡

用草鞋鼻子燒灰香油調傳

治小兒白禿瘡

用淡豉一合炒令煙出色焦為末用飯飲調屋塵

一團於炭火內煨令灰燼並細研入真輕粉少許  
油調剃頭了搽之見効一方治頭瘡無屋塵

療惡瘡白禿

用葢菜有毒淡竹筒內煨傳之

治小兒白禿瘡頭上瘡團團白色

以牛糞傳之

治白禿

以羊肉如作脯法炙令香及熟以搗上不過三四



日瘰

治小兒白禿瘡凡頭上團團然白色

以蒜揩白處早朝使之

治小兒白禿

用葶藶搗末以湯洗訖塗上

治小兒白禿瘡方

出肘後方

搗榆白皮末醋和塗之虫當出

治頭瘡白禿殺虫

用烏雌雞窠中草和白頭翁草紙灰豬脂調傅之  
先以酸米泔水洗然後塗之

治白禿方

用白鵲鴿糞細羅為散先以酸米泔洗了傅之立  
瘥

治白癩頭瘡

出百一選方

以白炭不拘多少燒令通紅先用盆盛白沸湯以  
熾炭投之却濾令淨將此灰湯俟通手洗瘡即愈

治小兒頭上熱瘡滿頭膿瘡成片用此藥兩三次作痂而愈 出百一選方

用屋塵即烏龍也以麻油脚研令極細傳之雖痛不妨一方用皂角湯洗之皂角末傳之

治乳抱小兒癩頭方 及治軟硬癰諸熱毒疱瘡

用五倍子七箇搗碎用真香油四兩瓦碗熬令乾一半生布絞去滓傳之三四遍即可不必水洗一方水調塗麻油點用

治小兒頭上梅花癩

用清油不以多少小竹子火灰內煨乾煎令油沸  
却以豬膽一箇燈上燎熟針出膽汁入油內先剝  
頭搽上勿令日曬之二三日即愈

治小兒頭上有瘡因入湯入水成毒膿水出不止  
一選方

用紅麴不拘多少口爛嚼卷之立効

又方一名香皂膏  
出海上名方

用肥皂燒灰存性麻油膩粉塗

伏龍肝散 治小兒頭瘡不瘥

鯽魚

一尾如手大者腹下開少許去腸不去鱗用

頭髮約實一彈子大伏龍肝

一錢巴豆一枚去殼

右將頭髮等三味入在魚腹中用甘草一寸塞魚口  
內盛在瓦釜中固濟炭火燒紅無煙取出研細油調  
塗之

生肌散 治小兒頭上瘡

白礬

飛過在地上一宿

白膠香

別研

韶粉

各一兩

膩粉

一錢

右爲細末麻油調塗瘡上只一二日効或熱毒盛再

生一兩番亦如此塗之

歷青膏

治小兒粘瘡

歷青

一兩

黃丹

三錢

茵蔯子

三錢

黃蠟

一兩

右爲細末小油三兩點熬散搽不須洗

神妙散

治小兒頭瘡疳肌禿瘡

豆豉

一合炒

白礬

半兩枯

膩粉

一錢

焦

右件研令極細先淨洗瘡剝去髮以小便一盞燒秤  
鎚通紅淬入小便中熱洗去瘡皮令淨血出無妨用  
軟帛拭乾生油調藥傅之

如聖散 治小兒頭面耳連引甜瘡流水極痒不住手  
搗又痛久不愈者神効

蛇床子 一兩 輕粉 三錢

右為末小油調搽

治小兒頭生瘡手爬處即疔謂之胎癬治法先以葱鹽

水洗

輕粉

桑木蛀屑

煨存性

右研勻生麻油調搽

治小兒頭瘡神效方

水飛雄黃

蜜陀僧

京漚青

等分

右各研極細再同研勻桃柳頭各十四箇清油浸兩宿以此油調藥塗瘡

治小兒頭上生瘡方



黃泥裹豉煨熟放冷去土豉杵末先取菜油傳瘡  
上著末必瘥

治小兒頭面忽生瘡方

炙艾於銅器內燒灰細研為末先用甘草煮水放  
溫洗了然後傳藥未愈再易

治頭瘡方

野外收乾牛糞經久不壞者燒灰存性用輕麻油  
調搽

治小兒頭上膿瘡

蠶退紙燒灰存性出火毒

右用輕粉少許麻油調傅瘡上

治小兒頭痒瘡

舊牛皮鞋底淨洗煮化淨洗訖傅之

治小兒頭瘡及一切疥瘡

烏柏樹粗皮向東者大椒 五倍子 白礬一錢

苦楝樹根焙乾

右研為細末用麻油調塗有膿水乾傅亦可

治小兒頭瘡及女人面瘡方

菟絲子煎湯洗

治小兒頭瘡吻瘡耳後膿蝕瘡

以龜甲燒灰傅之

治小兒頭瘡

以蓼葉搗傅之

治小兒頭瘡癰腫陰瘡

以蒺藜子作粉摩之

治小兒禿瘡熱腫

以藍靛滓傳之

頭不生髮 附論

夫足少陰為腎之經其榮在髮小兒稟性少陰血氣不足則髮踈薄亦有因瘡而禿落者皆由傷其氣血氣血損少不能榮於髮故令髮不生也

方

治小兒不生髮燥痒

出經驗良方

皂角

去皮弦子二條燒灰

乾薑

燒灰

檳榔

黃芩

黃丹

炒各一錢

麝香

少許

硃砂

少許

白芨二錢

右為細末先以桑桃枝燒灰熱湯淋灰汁洗去瘡痂用米醋調塗甚者不過三次

京芎油

出全嬰方

治小兒頭髮不出

秦艽

香白芷

京芎

附子

蔓荊子

零陵

香

各等分

右味細剉用綿裹定生麻油三觔於磁器中浸二十一日後塗頭上不得滴在面上恐生毛

莖勝丸

出全嬰方

治小兒頭髮不生

當歸

焙

生乾地黄

芍藥

各一兩

莖勝

一合

胡粉

半兩

右為末煉蜜丸如小豆大三歲三十丸煎黑豆湯下  
無化塗頭上無妨量大小加減

莖蓉丸

出危氏方

治髮不生稟受血氣不足不能榮於

髮

當歸

去尾

生乾地黄

肉蓯蓉

酒洗

楊芍藥

各一兩

胡粉五錢

右為末煉蜜丸如黍米大每服十粒煎黑豆湯下兼磨化塗抹頭上

神効黑豆膏 治小兒腦疳頭髮連根作穗子脫落不生兼白禿瘡髮不生者並宜用生髮

黑豆三合 芑勝三合 訶梨勒皮一兩

右羅為末以水拌勻內於竹筒中以亂髮塞口用煆

灰內煨取油貯於甕器中先以米泔皂莢湯洗頭拭乾塗之日再用十日髮生

又方 兼治小兒頭禿瘡苦痒

葛根末

一方用野葛末

猪脂

羊脂

已上各二兩

右於銚子內以慢火熬成膏收於甕合中每取一錢塗摩頭上再用不過五七度取効

香薷煎 治小兒白禿不生髮燥痒并出汁慘痛

陳香薷 二兩

胡粉 一兩

猪脂

半兩



右以水一大盞煎香薷取汁三分去滓以胡粉豬脂  
相和令勻塗於頭上再用之即生一方有黃丹無胡  
粉

治少小頭不生髮一物楸葉方

出聖惠方

取楸葉取汁傅頭上立生

治小兒頭不生髮方

出聖惠方

燒鯽魚灰末以醬汁和傅之

治頭禿髮不生白禿者

出肘後方

用椿楸桃葉心取汁傳之立生

治小兒白禿髮不生

出肘後方

用臘月猪屎燒末傳之油調亦得

蔓菁子散

出聖惠方

治小兒頭禿不生髮苦痒

取蔓菁子搗為末以猪脂調塗於禿處佳

又方

出聖惠方

取貫衆燒灰細研以油調傳之

又方

出聖惠方

用麻子一升熬黑壓取脂傅頭上良

又方 出聖惠方

用鹽湯洗之生油和蒲葦灰傅之

又方 出聖惠方

用鴈脂傅之佳

長毛髮 出本草

以物灼飲飯時取甌氣水沐頭令髮長密黑潤朝  
取梳小兒頭有益

解顱附論

夫人之資質稟賦父精氣母血脉渾樸胞胎調攝鞠育  
凡兒變蒸之後其形可知是以顱顱未合筋骨柔弱顱  
顱青筋脉虛不榮顱顱常坑滑泄便便顱顱腫起風痰  
不止顱顱久冷吐利清清顱顱虛軟癰瘤不免顱顱匾  
闊暴瀉易脫顱顱鳴長風作即亡顱開連額驚風易得  
顱顱未完怕熱怯寒顱顱緩收胎氣不周顱顱動數神  
昏氣弱顱顱寬大受疾恐害顱顱者乃精神之門戶也

關竅之橐籥也上下相貫百會相通七孔應透五臟所  
藉泥丸之宮魂魄之穴氣實則合氣虛即開良由長大  
不可不合醫者一見當知其可否用藥凡兒有顙顙未  
合受病沉重者慎勿將作尋常審思施治不可妄投丸  
散○小兒解顙者顙大頭縫不合如開解故曰解顙也  
皆由腎氣不成故也腎主骨髓而腦為腎海腎氣不成  
則腦髓不足故不能合也凡得此者不遠千日其間亦  
有數歲者乃廢人也人乏腦髓如木無根故也此乃熙

辜之疾設有此證亦不可束手待斃也宜依錢氏以補其腎萬一有可生之理宜服地黄丸解顱生下而顱不合腎氣不成也長必少笑更有目白睛多而白色瘦者多愁少悅也全嬰方云夫解顱者小兒頭骨不合腦縫開解顱大青筋面色黃白多愁少悅易為傷犯蓋受父母之精氣不足則髓海不強不能充於骨也令兒腎氣不成腎氣主骨髓腦為髓海故腦骨開解也寶鑑云父精不足頭骨去以顱開母氣衰微極其體虛而骨極其

開有如因驚風或傷風身熱不退被風邪所攻腦骨開  
大頭重不舉夭傷多矣又或因地震亦令兒頭開經驗  
有此病者便作頭巾長裹之不使令舒展更用治方久  
而愈

方

牛黃丸 治小兒腦長喜搖頭解顫

牛黃 漆花 甘草 炙剉 白朮 防風 去 鍾乳粉

生乾地黄 焙各一分

右為末用犬腦髓為丸如麻子大每服二丸至三丸  
溫水下早晨日午晚後各一服更量兒大小加減

半夏熨方

出聖惠方

治小兒長解顱不合羸瘦色黃至

四五歲不能行

半夏

生薑

芎藭

各一升

細辛

三兩

桂心

一尺

烏頭

十枚

右咬咀以醇苦酒五升漬之晬時煮三沸絞去滓以  
綿一片浸藥中適寒溫以熨顱上冷更溫之復熨如  
前朝暮各三四熨乃止二十日可愈一方無生薑



補骨丸 出全嬰方 治小兒骨氣衰弱顙門不合受胎精

氣不足風客於腦久病氣虛風邪攻作亦然

川草薺 骨碎補 補骨脂 各半 牛膝 葳靈仙

草烏頭 各一錢

右為末醋糊丸小豆大三十九鹽湯送下

地黃丸 出危氏方 治嬰兒胎虛氣弱腎氣不足神氣未

完顙大顙開面色光白眼目窺視白日好眠肌體羸

瘦如木無根不過十日終成癆人此方補腎合骨功

不可具論

熟乾地黄

洗八錢

山茱萸

乾山藥

澤瀉

洗

牡丹

皮

去心

白茯苓

去皮各三錢

右為末丸如梧桐子大三歲以下一二至三丸溫水  
空心化下一方用炒茴香湯下一方用天南星微炮  
為末米醋調傳於緋帛烘熱貼之

鍾乳丸

治小兒解顱顱大身有痼熱頭面汗出腹脹

咳嗽上氣肩抬足蹇脛交三歲不行

鍾乳研粉

防風去義

生乾地黄

焙一方用熟地黄

牛黃研

甘草

炙剉

漆花

各一分一方無漆花

右為末以犬腦髓為丸如麻子大每服二丸至三丸

米飲下早晨午時日晚各一更量兒大小加減一方以

豚腦丸之

防風丸 治小兒解顱腦縫開不合

防風去義

鍾乳粉

牛黃

研

白朮

各半兩

熟乾地黄

焙甘草

炙各三分

右為末煉蜜丸如梧桐子大每服二丸溫酒化下隨歲數量加減服

玉乳丹

治嬰兒頭骨應合而不合頭縫開解此最為

小兒大病皆由腎氣不足腦髓不能結成名曰解顱蓋腎主骨而腦為髓海若此不察百病交攻極難將護宜用

鍾乳粉

依古法製半兩

熟乾地黄

半兩依法蒸炒

栢子仁

半兩另研

當歸

半兩洗

防風

一分

補骨脂

一分炒

右除另為細末次以鍾乳等拌勻煉蜜和如黍米大  
每服十粒煎茴香湯下食前或加黃耆茯苓

封顙散

治小兒解顙顙門開解

栢子仁

炒

細辛

去苗葉

防風

去叉

白芨

各半兩

草烏頭

炮半兩

右為細散乳汁調塗顙開處

封顙散

治嬰兒解顙顙不合顙坑陷不平者皆由腎

經虛熱宜用

蛇蛻皮

一兩燒灰

防風

半兩

白芨

半兩

川大黃

半兩

兩濕紙裹

火炮存性

右為細末青黛半兩同研勻每用半錢以獺猪膽汁

調勻用一紙可顫子攤之四邊各留少白紙用淡生  
醋麵糊貼顫上不住以溫水潤動一伏時換一方生  
薑汁調傳

白芨散 治小兒顫骨開蓋腎氣不成腦髓不足小兒  
年大骨應合而不合頭縫開者以此藥塗之

白芨一分

細辛一分

防風

一分去蘆頭

栢子仁

一分

右搗羅為散以乳汁調塗兒顙骨上日二用之

三辛散 治小兒解顙腦角骨大顙開不合名曰解顙

細辛 桂心 各半兩 乾薑 十八銖

右為末以乳汁和傳顙上乾復傳之兒面赤即愈一  
名桂心散

防風散 一名栢子仁散 治小兒顙開不合

防風 去蘆頭 白芨 栢子仁 各一兩

右羅為末以乳汁和塗頭顙上日一十日至二十日

愈以合為度

治小兒解顱不合方

一名解凡散 小兒頭骨連顱開作

縫者

生蟹足

白蘇

各半兩

右搗為末乳汁和傅顱上立愈

治小兒解顱方 小兒頭皮開解

蛇蛻皮

一兩燒灰細研

猪頰骨中髓一分

右調為膏塗於顱上日二塗之只用髓亦効曾有人



作頭巾裏遮護之久而自合亦良法也

治小兒骨氣衰弱顙開不合受胎精氣不足客風於腦  
久病氣虛風邪攻作

用胡粉不以多少水調三豆大日三服

小兒頭骨開解

用驢頭骨不以多少燒灰研細以生油調傅頭縫  
中一方用驢蹄燒灰

治小兒腦長顙不合雞血塗方 一名固頂散

用丹雄雞一隻於小兒顙上割其冠使血滴顙乾  
以赤芍藥末粉血上使血不見一日瘥

爽神丸 母氣衰時胎氣弱父精不足致顙開胎中所受  
多不足腎氣未全生下來身上自然無血色肌羸骨  
細面容衰腦分十字顙門陷目無光彩白睛隈此候  
父精不足頭角闊而顙開母氣衰微肌膚羸而四肢  
弱凡遇此候十不救一先用爽神丸次與南星散貼  
之

人參三錢 白朮一錢 全蝎一錢 防風一錢 羌活半

錢 天麻一錢 殭蠶半錢 湯浸洗 丁香二錢 木香一

錢 茯神一錢

右為末以酒煮麵糊為丸如菉豆大每服五七丸糯  
米飲下

### 南星散

南星

大者一箇開一穴入硃砂半兩  
用酒塞穴內於慢火煨製

白芨

半兩

右為末令勻淡醋調塗顙上以絹片隔用慢火炙手

頻頻熨之待息自升如此六七次方見効百日孩兒  
鼻塞不乳此藥服之亦効

熨頂散 治長頭方面顙大不合手足痿小不能行步  
頭頂軟弱體瘦面光並皆治之

半夏 川烏 川芎 桂心 細辛 百合 白

芡 栢子仁 朗黎樹根

焙各等分

右為末用煨大蒜和酒搗成餅子貼之又用緋絹貼  
之用慢火炙手頻頻熨之

地黃丸 治頭顱不合體瘦骨露有如鶴膝皆腎虛不

足致成腎疳天柱傾倒腎主骨也

熟地黃

洗焙八錢

澤瀉

洗二錢

牡丹皮

去心

白茯苓

各三錢

山茱萸肉

牛膝

鹿茸

酥炙

山藥

各四錢

右為末蜜丸梧子大三歲已下三二丸溫水空心化

下

防風栢子散 治顱大不合

防風 栢子仁 百合 川烏 朗梨樹根皮 各

等分

右為末酒調塗顛上

顛填陷

夫顛填者顛門腫起也脾主肌肉乳哺不常飢飽無度  
或寒或熱乘於脾家致使腑臟不調其氣上衝為之填  
脹顛突而高如物堆塚毛髮短黃自汗是也若寒氣上  
衝則牢鞞音卯頭屢起腫硬乃勞熱氣上衝則柔軟寒者  
溫之熱者涼之劑量重輕無與調氣小兒肝盛風熱交

攻亦然未易退瘥 顛陷者小兒胃氣中和則腦髓充  
盛顛頂漸合若胃熱薰蒸腑臟則渴而引飲因致瀉利  
令腑臟血氣虛弱不能上充髓腦所以顛陷如坑不得  
平滿也聖惠云小兒上陷者此謂顛陷不平也由腹內  
有熱氣熏臟熱則渴引飲而小便自利者臟腑血氣虛  
不能上充髓腦故顛陷也

方

當歸湯

出危氏方

治小兒胃虛血氣不充顛陷

當歸

切焙

白朮

人參

黃耆

剉各一兩

訶梨勒

煨去

核半兩

甘草

炙剉一分

右麤搗篩每一錢水七分煎至三分去滓分溫二服

不拘時候

地黃丸

治小兒血氣虛弱顛陷不平

熟乾地黃

焙

芍藥

當歸

切焙

白朮

各半兩

桂心

去

皮一分

右為細末和丸如黍米大每服七丸粥飲下乳食前



量兒大小加減

生乾地黃散

出聖惠方

治小兒臟腑壅熱氣血不榮致

顛陷者

生乾地黃

焙二兩

烏雞骨一兩酥炙黃

右為細散粥飲調下半錢不拘時候

治小兒顛陷方

出直指方

因臟腑有熱渴飲水漿致成

泄利久則血氣虛弱不能上充腦髓故顛陷如坑不得滿平

用狗頭骨炙令黃搗羅為末雞子清調塗之一方  
用黃狗頭骨

又方 出聖惠方

用天靈蓋炙令黃搗羅為末生油調塗之

又方 出聖惠方

取豬牙車骨髓煎如膏塗顙上良一方用頰車髓

顙腫為熱

以黃栢膏塗足心湧泉穴

陷則為冷

以半夏末塗手心妙

治顛填陷方

以白丁香膏三服或南星丸三服凡小兒生下一  
月內或腫起乃受胎熱氣即用黃栢膏塗足心湧  
泉如陷則用半夏膏塗足心乃嬰兒腎流冷氣邪  
干心致此皆為末冷水調

顛風傷寒 附論

小兒有顛風傷寒氣急喫乳不得身溫熱鼻塞此候因母夜間抱小兒睡鼻孔內氣衝著小兒顛門柰小兒的顛門未合被熱氣吹著而鼻塞至此治之者用葱涎膏塗顛門上然後用鎮心丸磨與下之氣通即愈也

方

鎮心丸 治顛風傷寒兼治小兒諸驚

硃砂別研 白附子 白僵蠶酒洗 蟬蛻去足翅淨洗

茯神去皮各半兩 全蝎一分去尾 腦麝隨意研入

右為末拌合薄荷自然汁為丸如芡實大用硃砂拌  
腦麝為衣每服一九金銀箔合煎湯磨下

芎蝎散 治小兒腦髓風顛顛開解皮肉筋脉急脹骨  
縫青筋起面少血色或中氣不響時大便秘青白沫嘔  
吐痰涎欲成慢驚風搐足脛冷或大人氣上衝胸頭  
面癰痒並宜服之

川芎 革撥 各一兩 蝎稍 一錢 細辛 去蘆苗一兩  
淨

半夏 湯泡去皮臍二錢半生薑自然汁製一宿

右件搗羅為細末週歲兒每少服一銅錢許用數沸湯調稍熱肚飢服量兒疾大小以意增減○如痰滿胸喉中眼珠斜視者速與服之若上直視睹不轉睛者難救或痰氣壅塞不能嚥藥用一指於兒喉嚨中探之就幹去寒痰冷涎氣稍得通次服補脾益真湯或以油珠膏二藥選用之然生死在人主持此方家傳累世救活無數文中今已刊行流傳於世使養子之家無憂患離情之痛攢眉啼哭幸甚

通頂散 治小兒腦熱枕骨疼腦熱閉目不開或頭風

痛攢眉啼哭并赤目

龍腦薄荷

川芎

各半兩

山茵陳

甘草

各四錢

朴硝

三錢研

右為末以少許吹鼻即効用朴硝吹鼻亦可如要嚏  
噴加躑躅花一錢

慈涎膏

治小兒顛風傷寒貼顛

猪牙皂角

天南星

赤小豆

右等分為末每服二大錢用生葱自然汁調塗顙上  
兩次塗其鼻孔開即愈

治頭風痛

用川烏為末醋調塗頂上顙角太陽穴之上須臾  
即止

又方

用苦葫蘆子為末吹鼻即止

眉瘡

附論



凡小兒面上瘡謂之眉煉耳上瘡謂之輒耳足上瘡謂之靴癬此三者究其本皆謬名也經曰諸痛痒瘡瘍皆屬心乃血熱劇而致然也或謂內經大緊不可便以爲皆然此不明造化之道也慎勿妄信可用銇針刺之出血一刺不愈當復刺之再刺不愈則三刺之必愈也內經曰血實者決之眉煉不可藥傳之以其瘡多痒痒則爬忍藥入眼則目必損矣

方

治小兒眉煉

輕粉一錢 青黛三錢 白膠香五錢

右為末濕乾上乾使水油調搽神効

治眉煉頭瘡

用小麥不以多少火燒令黑色存性為末以小油

調塗瘡上

治小兒眉間煉亂瘡

用曾煨金飯甘鍋子搥碎煨細重研如粉生麻油

臘粉調傳之

治小兒面湮瘡俗之煉銀瘡者是母受胎之日食酸辣及邪味過度多生此瘡

用百藥煎半兩生白礬二錢為細末小油調旋搽之

治小兒煉亂瘡并眉煉瘡方

用黑驢屎晒乾燒灰清油調搽立効

前甲散 治小兒眉叢中生瘡名曰煉銀癬

用川山甲前膊鱗炙焦為細末麻油輕粉調傳

黃連散 治小兒眉瘕

黃連 大黃 黃芩 百藥煎 各等分 輕粉 少許

陀僧 與黃芩同

右為極細末每用不以多少油蜜調搽効

眼目 附總論

小兒眼疾除疳蝕班瘡二證外皆由五臟所積熱毒而作又有胎內受氣乘母所食熱毒稍長因毒相觸忽作

障瞋不由腫赤熱毒積成其候者此等決定難醫若加  
寒涼之藥壞害尤甚若赤腫眇淚疼痛翳膜謹謹與忌  
其熱毒之物清心涼肝順氣行血解熱散毒認證瀉臟  
常宜用四順清涼飲隨風熱毒所發輕重加藥與服萬  
一尅効不必執殢方藥指算攻療蓋小兒無患眼所患  
即與大人不同至重者謂赤腫等俱作宜與利下即便  
解散若有瘀血眼胞內外羅腫盛即從鼻中取出敗血  
立愈既無血眼不作攀努雖有赤脉貫萬一是熱毒所

致即不可鈎鎌鉞割凡當利下並以大黃藥洗心散之  
屬乃佳 胎氣充足兒當將分降胞囊已破先行清水  
其兒既誕血即送下緣由胞氣頗澁轉側差緩其血壓  
瘀眶皆遂致濺滲盛則灌注其睛不見瞳人輕則外胞  
赤腫上下爛弦若投涼藥必寒臟腑宜與服生熟地黃  
湯流行血氣或用杏仁二枚細嚼乳汁三五匙膩粉少  
許蒸熟以絹片包蘸頻點功效重盛者加黃連朴硝最  
良 凡小兒患眼皆由熱毒得之方藥盛衆惟有班瘡

眼患此疾最為惡候若有是疾皆由兒病不謹口腹或  
班瘡方愈便與食毒物熱毒散於肝腎之間便作腫痛  
羞明怕日眵淚難開毒者諸凡炙燂醃臠油麵白印黃  
牛母豬米醋鮭鯊鮓雞羊鵝鴨蝦蟬魚鱉腥膾鱸鰻  
飛禽包氣之屬悉為斯咎及至熱退痛止睛中白翳已  
生或一隻兩睛隨其輕重得之宜速與療 凡小兒甘  
澁眼數日不開皆風熱所致可服涼膈散瀉肝經風熱  
即甚鬱結散而自開也 目內正赤者心熱導赤散主

之淡紅者心虛熱生犀散主之青者肝熱瀉青丸主之  
淺淡者補之黃者脾熱瀉黃散主之無精光者腎虛地  
黃丸主之 胎中受風五臟不和嘔吐黃汁兩眼一同  
視物不明無藥可治 目者腑臟之精華肝之外候也  
小兒臟腑有熱與膈間痰飲相搏氣不宜通熏漬於肝肝  
經受熱則血脉壅大循經上衝於目故令目赤痛不即  
治熱甚則生障翳龍木論歌曰小兒不與大人同醫療  
流傳別有宗神氣未全難保抱披鎌灸割哭傷瞳等間



痛槩無令點啼叫勞他病轉濃更若手揉難禁制因茲  
睛破更無功欲求穩便全雙目善藥熱淋洗避風服藥  
治肝瀕見效免教昏暗一生中

雀目 附論

夫小兒有晝而精明至瞑便不見物謂之雀目言如鳥  
雀瞑便無所見也

方

泉石散 治小兒熱疳雀目青盲眼腫并疳眼生翳

甘泉石 大黃 梔子仁 石決明 菊花 甘

草 各等分

右為末三歲半錢煮狗肝湯調下食後服

還明飲

一名復明散

治小兒至夜不見物者又名雀目

蒼朮

一兩泔浸切去皮

穀精草

半兩

黃芩

決明子

地

膚子

各等分

右為末三歲一錢水半盞荊芥少許煎三分去滓食

後溫服

治小兒雀目至暮無所見

老栢皮

一兩烏梅肉

半兩微炒

細辛半兩

地膚皮一兩

車前草

半兩

右羅為散每服以粥飲調下半錢量兒大小加減

又方

細辛

麥門冬

去心焙

甘草

炙微赤剉

秦皮

麝仁

湯浸

去皮細研以上各等分

右羅為末以白羊子肝一枚去筋膜煮爛和丸如棗

豆大每日食後冷水下五九五歲以上增之

又方

烏梅肉

微炒

槐子

微炒

黃連

去鬚

防風

去蘆頭已上各一兩

黃牛膽

一枚取汁

右羅為末牛膽汁拌勻曝乾重羅為末用蜜丸如棗豆大三歲每日空心溫水下五九量兒大小加減

夜明砂散 治小兒雀目日晚無所見

夜明砂

半兩微炒

細辛

一分

羌活

一分

薑石

半兩搗

碎細研水飛過

右為散研令勻每服一錢用白羊子肝半枚粟米二百粒水一中盞煮米熟去肝放冷漸漸服之兒稍大并肝食之

煮肝石決明散 治小兒雀目及疳眼

石決明細研井泉石 蛤粉 穀精草以上各半兩

右羅為散每服一錢取白羊子肝一枚劈開入藥末以米泔一中盞煮熟空心與食量兒大小加減

仙靈脾散 治小兒雀目至暮無所見

仙靈脾根

半兩

晚蠶砂

半兩

射干

一分

甘草

一分

炙

微赤判

右羅為散用羊子肝一枚切開糝藥二錢在內以綿繫定用黑豆一合米泔一大盞煮熟取出分為二服以汁下之

合明散 治小兒雀目至夜不見物

蛤粉

石決明

甘草

各等分

右為末三歲半錢煮豬肝汁調下食後服

又方

穀精草

半兩

甘草

半兩炙微赤剉

乾薑

一分剉

右搗為末用麵一兩作燒餅子樣用藥三錢入在中間安慢火內煨令熟用好茶下之每日早晨一服至三日後見物多時者不過五服見效無問大人小兒並治小兒量其大小加減

又方

地膚子

決明子

各半兩

右羅為末以粟米飯和丸如棗豆大每日空心粥飲  
下七丸至夜再服量兒大小加減

又方

夜明砂

微炒

黃芩

各半兩

右搗為散用米泔煮猪肝汁調下半錢日三服三歲  
以上增之

又方

用蒼朮一兩去皮剉微炒每服一錢用羊子肝一



具以米泔煮熟分半具細切拌藥與兒食之至晚  
再服五歲已上即頓服未穀食兒不可與一方用  
河水浸去黑皮煮熟乘熱薰眼後食之間治大人  
雀目

治小兒雀目立効方

用羊子肝一具薄切作片子鄆州蛤粉一錢勻摻  
在肝內繫定以水煮熟服之五歲已下分減與食  
又方

用牽牛子一兩搗羅為散用羊子肝一片切入末  
一錢拌肝以白麵作角子兩箇炙令黃色候冷服  
之粥飲下量兒大小加減

又方

用夜明砂一兩微炒細研用猪膽和丸如菉豆大  
不計食前後以粥飲下五丸三歲以下三丸

胎眼熱赤痛

附論

夫小兒眼胎赤者是初生洗目不淨令穢汁浸漬於眦

中使臉赤爛至大不瘥故云胎赤也

方

升麻湯 治小兒眼胎赤風毒所攻腫痛

升麻

黃耆

剉

元參

甘草

炙各半兩

犀角屑

防風

去叉

麩仁

湯浸去皮研各等分

右麩為搗篩每服一錢以水七分煎至四分去滓分  
溫二服更量兒大小加減一方加竹瀝半合更煎一  
兩沸服

麥門冬湯 治小兒眼胎赤腫痛上焦壅熱

麥門冬

焙去心

犀角屑

芒硝

防風

去叉

甘草

炙

各半兩

旋覆花一分

右麤搗篩每一錢水七分煎至四分去滓量兒大小  
分溫服日四五

牛黃丸 治小兒眼胎赤久不瘥

牛黃

細一分

研黃連

半兩去鬚

決明子

一分

麝仁

一分

湯浸去皮

犀角屑

半兩

龍腦

一錢

細研

右為末煉蜜和丸如麻子大每服以溫水下五九日  
三四服更量兒大小加減

黃連丸 治小兒胎赤皆爛

黃連去鬚一兩 防風去叉 龍膽去土 大黃剉炒 細辛

去苗葉各半兩

右為末煉蜜丸如菉豆大每服五丸至七丸溫熟水  
下日三更量兒大小加減

黃連散 治小兒胎赤眼由洗兒洗眼不淨穢汁浸漬

或在胎母食熱物熱藥令兒目赤爛

黃連 黃栢 當歸 赤芍藥 杏仁 各等分

右剉乳汁浸一宿晒乾為末每用一字用地黃汁調  
頻點眼中母服洗心散

杏仁膏 治小兒眼經年胎赤兼有翳膜

杏仁 一兩湯浸去皮尖細研如膏 膩粉 一錢綠鹽一分 黃連末 一分

右同研令勻以真酥調如膏攤於銅碗內以熟艾如  
雞子大掘小坑子內燒艾烟出便蓋銅碗於上薰之

勿令洩氣候烟盡為度更重研令勻每取少許以綿裹用人乳汁浸一宿日三四度點之

銅青散

治小兒眼胎赤經年月深遠者

銅青

一錢

膩粉

一錢

龍腦

半錢

乾地龍

一條

為末

右研令極細每用半小豆許點著目眦日以兩度用之

龍腦膏

治小兒眼胎赤及生瘡怕見風日

龍腦

半錢

麝仁

一分

湯浸去

杏仁

一兩

湯浸去

皮尖雙仁研

右滴少水都細研乳汁浸日三四度點之

龍腦煎 治小兒眼胎赤

龍腦一錢 青鹽半兩 麝仁一分 湯浸去皮

右研令細蜜調似面脂每日三兩上點之

黃連煎 治小兒眼胎風赤爛不以年月發歇頻頻視物淚出澁痛不可忍

黃連一兩去鬚 蘆會一分 龍腦一錢 別研

右先將黃連蘆會搗為末以新綿裏用水一大盞於



銀器中以重湯內煎候藥汁三分減二即去藥綿入龍腦以甕瓶子內收每日三兩上點之

治小兒眼胎赤痒痛

龍腦

半錢細研

桑葉

五錢燒作灰

右水一升先煎桑葉灰取半升綿濾去滓後入龍腦攪令勻日三四上少點之

玉筋煎 治小兒胎赤眼及風赤眼

用虵虫二條小兒口中者為妙於甕合子中盛用

紙裏向濕地埋五日後取出其虫化為水以甕瓶  
子盛每日以銅筋點少許著目背頭及夜卧時再  
點之

治小兒眼胎赤及生瘡方 出聖惠方

用馬牙硝半兩研取臘月猪膽三枚內硝於膽中  
浸之俟乾後取硝出以少許龍腦同研細點之

四仁膏 治小兒風熱疳氣攻眼赤痛內外障眼

桃仁 四箇去皮尖

杏仁 四箇去皮尖

麝仁 五箇去皮尖

郁李仁 五箇

去皮  
尖

蕪荑

五箇取  
肉

海螵蛸

取中心末  
半錢

牡荊

如指大  
一塊

右七味於乳鉢內生研極細將綿絹濾過後入白蜜  
五文龍腦一百文真麝香一百文輕粉五文再研極  
勻點之

四順散

出鄭氏小  
兒方

治小兒目赤上焦壅熱及退諸般潮

熱大便不通

當歸

洗去  
土

芍藥

洗

大黃

濕紙裹  
煨

甘草

炙

右等分為末每服嬰孩一字二三歲半錢及一錢水

一藥注或半銀盞於銀石砂銚中煎十數沸溫服

牛黃散

出宣明論方治小兒上焦壅熱諸眼疾

肉桂

鬱金

一兩

馬牙硝

四兩

甘草

半兩生

右為末如患眼三五年喫三五兩便瘥每服一錢新汲水調下小兒十歲服半錢五歲以下服一字永無驚風疳癰之患効

目赤腫痛

附論

夫肝氣通於目臟內有熱與胃膈痰飲相搏薰漬於肝

熱氣皆發於目故令眼赤痛甚則生翳也

方

羚羊角散 出聖惠方 治小兒肝臟風熱上注眼目赤腫

疼痛

羚羊角屑 犀角屑 赤芍藥 各三分 黃連 去鬚

馬牙硝 硃砂 細研各一分 川升麻 牛黃 細研 天竺黃

細研 芎藭 當歸 剉微炒 甘草 炙微赤剉各半分

右羅為散入研了藥令勻每服煎竹葉湯放溫調下

一錢量兒大小加減

羚羊角散 出聖惠方 治小兒肝臟風毒上衝眼赤痛開

張不得頭額疼痛

羚羊角屑

半兩

甘草

半兩炙微赤剉

薺蕤

防風

去蘆頭

甘菊花

牛黃

細研入

元參

赤芍藥

黃芩

梔

子仁

已上各一分

右羅為散每服一錢水一小盞煎至六分去滓入牛黃一字量兒大小分減溫服

龍腦散

治小兒肝臟壅熱兩眼赤痛

龍腦

一錢細研

梔子仁

黃芩

麥門冬

去心焙

地骨

皮

川升麻

犀角屑

已上各半兩

牛黃

一分細研

川大

黃

一兩到微炒

甘草

一分炙微赤判

右羅為散每於食後以溫水調下半錢五歲以下可服一字

決明湯出聖惠方

治小兒眼赤隱澁不開膈中有熱

決明子炒

黃芩

去黑心各一兩一分

柴胡

去苗

大黃

碎炒各一

兩升麻

石膏

梔子仁

各一兩

甘草

炙剉

枳殼去穢

麴炒各半兩

右麴搗篩每一錢水七分入竹葉五片同煎至四分  
去滓分溫二服隨兒大小加減食後服一方有羚羊  
角屑無枳殼

地黃散

出錢氏方

治小兒心肝壅熱目赤腫痛生赤脉

或白膜遍睛四邊散漫者猶易治若暴遮黑睛多致  
失明宜速用此方亦治瘡疹入眼



生熟乾地黃

切焙  
秤

當歸

去蘆頭切  
焙秤

防風

去蘆頭焙

羌活

焙生犀末

蟬殼

去土并  
頭足

木賊

穀精草

白蒺

藜

沙苑蒺藜

各一錢半  
剉炒

甘草

一錢半  
剉炒

元參

半錢

右為末每服一字或半錢量大小加減煎羊肝湯食

後調下日三夜一忌口將息亦治大人一本黃連去

鬚太黃者去皮取尖者略炒一錢木通一錢半

小流氣飲

出活幼口議

治小兒風毒眼患

蟬蛻

去大節

甘草

炙

羌活

天麻

川當歸

赤芍

藥 防風 大黃 龍腦 薄荷 杏仁 各等分

右㕮咀每服二大錢水一小盞煎至半盞去滓通口

食後服

小菊花膏

出活幼口議

治小兒積毒眼

黃連 黃芩 大黃 菊花 羌活 蒼朮

米泔浸

荊芥穗 防風

右等分為末煉蜜為膏尾指大每服一餅細嚼白湯

下

小防風湯

出活幼口議

治小兒熱毒眼患赤腫沙澁疼

痛不開者

大黃

蒸

山梔子

甘草

炙

赤芍藥

川當歸

洗淨

防風

羌活

各等分

右咬咀每服二大錢水一小盞煎至半盞去滓通口  
食後服一方有荊芥用燈心薄荷同煎

洗肝散 出全嬰方 治小兒肝熱赤眼腫痛多淚

赤芍藥

羌活

防風

大黃

甘草

各等分

右為末三歲一錢白湯調下食後或用黑豆三五箇同煎服一方黑豆燈心煎服又方秋了芙蓉葉為末水調貼太陽尤妙

銀白散 治嬰孩肝熱眼赤痛涼膈退熱

天花粉

一方用蛤粉

連翹

甘草

川白藥

白附子

各等分

右為末每服半錢麥門冬蜜熟水調下不拘時候

梔子仁散 治小兒眼風熱澁赤痛

梔子仁 黃芩 犀角屑 龍腦去蘆頭 赤芍藥

黃連

去鬚

胡連

川大黃

剉微炒

甘草

炙微赤剉以  
上各半兩

右搗篩為散每服一錢水一小盞煎至五分去滓溫  
服量兒大小加減

治小兒熱毒眼痛赤澁熱淚不止方

元參 決明子 甘草炙微赤剉 黃芩 梔子仁

犀角屑

牛黃

細研俱各  
半兩

龍腦

半錢細研

右羅為散都研令勻每於食後以蜜水調下半錢五

歲已上增之

瀉青丸

治疳熱肝風赤眼多淚睛疼心躁并消熱翳

即瀉肝丸

當歸

龍膽草

川芎

梔子仁

大黃炒防風

去蘆羌活已上各等分

右為末煉蜜丸如芡實大煎淡竹葉湯化下一方加  
甘草每服一丸沙糖湯下

又方 大人小兒皆可服

蒼朮

去皮生用

當歸

洗去土蘆

赤芍藥

荊芥穗

防

風

去蘆

槐花各一兩

甘草生一分

右咬咀水煎去滓有食熱加大黃大人小兒以意加

減

黃連水藥煎 治小兒熱毒眼赤

黃連

去鬚

麝仁

湯浸去皮研入

杏仁

四十九枚湯浸去皮尖雙仁研入

黃蘗

剉

青鹽

已上各半兩

膩粉

一錢細研

龍腦

一錢細研

右羅為末入研了藥令勻以生絹袋盛用雪水二大

盞浸藥一七日取出藥袋子將藥汁灌在竹筒內密裹封坐在重湯鍋中煮一復時掘地坑子深三尺埋一宿出放龍腦攪令勻以甕瓶盛旋取點之

真珠散 治小兒肝臟風熱上攻於眼目赤痛

珍珠末

一分

青箱子

一分

牛黃

細研

黃連

去鬚甘

草

炙微赤剉以  
上各等分

蔓菁子

半兩

右羅為末入研了藥都研令勻每服以熱水調下半錢量兒大小加減



牛黃丸

治小兒肝心壅熱上衝眼赤腫疼痛

牛黃

研一分細

硃砂

半兩細研水飛過

熊膽

細一分研

龍腦

細研一錢

黃連末

半兩

膩粉

一錢

右研令勻煉蜜和丸如麻子大計時以溫水下五丸  
量兒大小加減

寒水散

治肝風暴赤目睛偏視

青黛

一錢

大豆

去皮

黃蘗

各三錢

馬牙硝

黃連

各

二錢

右為細末每用一錢蜜少許冷水調成膏緋絹作花  
子如小錢大攤藥於上貼太陽穴病左貼左病右貼  
右

生地黄湯 治小兒眼赤痛不開

生乾地黄 二兩 決明子 黃芩 去黑心 竹葉 各一兩

芍藥 一兩

右細剉以水二升煮五六沸去滓澄清洗眼一日三  
次大人通用

治小兒暴赤眼澁痛神效方

龍腦

半錢

秦皮剉

黃連

去鬚

甘草

生剉

馬牙硝

煉

過細研已上各半兩

右羅為末用水一大盞浸藥一宿以銀銚子煎至五分以新綿濾過入龍腦攪令勻用瓷器盛日三度以銅筋點之

導赤散 治心熱小便赤澁眼目赤痛

生乾地黄

木通

各一兩

甘草

黃芩

各半兩

右呖咀燈心淡竹葉煎大小以意加減

黃芩散 治小兒赤眼

黃芩

去黑心  
半兩

寒水石

一兩一分

升麻

甘草

炙剉各  
一分

右麤搗每一錢水七分入竹葉五片同煎至四分去滓分服二貼食後臨卧隨兒大小加減

敗毒湯 治小兒風熱眼赤痛

大黃

剉碎  
炒

甜硝

別研

甘草

炙剉各  
二錢

陳橘皮

三兩去  
白焙

右麤搗篩每服一錢水七分入薄荷三葉煎至四分

去滓食後量兒大小加減無薄荷入乳香亦得

大黃丸 治小兒目赤澁痛漸生翳膜昏暗

大黃剉鬱金 人參 黃連去鬚各二錢

右為末研鼠肝和丸如菉豆大每服三丸米泔下  
食服量兒大小加減

胡黃連散 治小兒肝臟久積風熱毒所攻兩眼赤痛

胡黃連 一分 真珠末一分 梔子仁半兩 甘草半兩  
研入 微赤剉

右羅為散入真珠粉同研令勻每服一字濃煎竹葉

湯溫調不計時量兒大小加減

治小兒暴赤眼澁痛點眼方

黃連末

一分

膩粉

半錢

杏仁

一分去皮尖

麝仁

半兩湯浸去皮

右先將杏仁麝仁爛研如膏後與黃連膩粉相和研了以新綿厚裏却以新汲水半小盞於淨器內浸藥半日瀝取汁日三四度點之

貼藥 治小兒赤熱腫目

川大黃 白礬 朴硝 等分

右為末冷水調作掩子貼目上一方無朴硝

决明丸 治小兒赤眼

决明子 牛黄 別研 各等分

右為末煉蜜丸如麻子大臨卧時乳汁下二丸隨兒  
大小加減如熱痛不可忍者用猪膽汁丸立瘥

黃連膏 治小兒眼爛眦痒痛淚出不能視物風傷則  
痛

黃連 去鬚八分 大銅錢七文 白礬 燒灰一分

右以水并白蜜各三合用銅器盛於飯上炊一次綿  
濾去滓貯甕合內點眼

黃蘗湯

治小兒赤眼

黃蘗

去粗皮

秦皮

各一兩

麝仁

去皮半兩

右麤搗篩每用兩匙頭以水一碗入乾棗三枚同煎  
三五沸去滓適寒溫洗眼一方有秦艽無秦皮

朴硝膏點方

治小兒赤眼

朴硝燒灰乾一分

黃連

去鬚三分



右為粗末綿裹以乳汁浸之點眼効一方無朴硝

治小兒暴赤眼澁痛點方

甘蔗汁三合黃連末半兩

右於銅器中以慢火熬令汁減半以綿濾過日三四度點之

又方

龍腦一錢川朴硝半兩

右都研令細每用如菜豆大日三四度點之

治小兒眼暴赤痛點眼方

雞子一枚黃連末半兩

右取雞子敲破頭作小竅子出黃取清調拌黃連末却內雞子殼中以蠟紙封裹於青泥溝中浸三兩日不得令沒取出日三四度點之

又方

杏仁

一分湯浸去皮尖龍腦三豆許大

右先研杏仁後與龍腦同研如膏頻點少許目眇中

瘥

治小兒目暴赤熱毒腫痛方

蕤仁 一分去皮尖  
黃連末 半兩

右同研以綿裹內雞子白中浸一宿後和如膏以半小豆大點兩目皆良久用熱水洗之

治小兒眼赤痛不能開方

竹瀝 三合  
人乳汁 一合

右相和以綿濾過時時拭眼中月內兒及三歲以下

並宜用之

牛黃膏 治小兒肝臟風熱上攻於目疼痛不止

牛黃一分 川大黃一兩 剉生用

右先搗羅大黃為末以牛黃同研令勻以生地黃汁調如稀膏勻於紙上貼眼候乾時時以冷水潤之如視頻開重換

治小兒疳內患赤眼或眥中延瞼赤爛至長大不瘥者名曰胎赤

黃連一錢去鬚黃蘗

右細剉以妳汁浸半日綿裏漚去滓頻點之一方用  
荊芥湯浸放溫時時洗之

治小兒赤眼

用黃連研為末調塗脚底心其赤自退

又方 余平先免赤眼之患用之如神大人小兒俱可  
用

凡眼赤澁之初即用自已小便張目溺出一半可

用指按抹眼中尿畢閉目少頃開後即効此以真氣逐去邪熱故也

鉛丹丸洗眼 治小兒目暴赤痛

用鉛丹一兩細研入白沙蜜調如稀糊同入瓦器內攪勻炒候鉛丹紫色可丸即丸如皂子大每用一丸沸湯化乘熱淋洗

療小兒眼痛

取淡竹瀝拭之

又方

取鯉魚膽傳之

又方

取車前草汁和竹瀝傳之

療小兒疳內赤眼方

用生地黃薄切以井花水浸以貼之

又方

取羊子肝薄切用井花水浸以貼之

又方

取黃蘗以乳浸貼之

治小兒赤目腫痛多淚 一名清涼膏

用芙蓉葉焙乾為末每用半錢水調塗太陽穴

洗眼光明膏 治冷熱諸風眼疾

盧甘石

用火煨十次每次却用黃連水浸後方煨

當歸一兩桑白皮

龍膽草

二兩 洗淨多為妙 又名黃花演

生地黃一兩國丹

飛三乳香少許麝香



右件先用七里光龍膽草當歸生地黃四件以長流水  
三升熬至半升用綿絹濾過却入蜜三兩亦用絹濾  
過慢火熬令成膏却入國丹等藥取出半冷再入麝  
香少許攪勻如法封裹埋新土中出火毒候三日可  
用

至聖散 治小兒眼赤爛


黃連洗五錢水 乾銅綠半兩研 生白礬半兩研 膩粉 一錢

麝香 一錢 研 乳香 一錢 研

右將黃連搗為末羅過入其餘五味拌勻每用少許  
沸湯泡澄下乘熱洗之

主明目及疳濕

右以搗牛膽釀槐子服之



普濟方卷三百六十三